

續
名
醫
類
案

第五

S28

1789

175



續名醫類案卷五

錢塘魏之琇編集

海昌王士雄孟英
定州楊照藜素園

同校

疫

王宇泰曰聖散子方因東坡先生作序由是天下神之
宋末辛未年永嘉瘟疫服此方被害者不可勝紀余閱
葉石林避暑錄云宣和間此藥盛行于京師太學生信
之尤篤殺人無數醫頓廢之昔坡翁謫居黃州時其地
瀕江多濕而黃之居人所感者或因中濕而病或因雨
水浸淫而得所以服此藥而多效是以通行於世遺禍
于無窮也弘治癸丑年吳中疫癘大作吳邑令孫馨令
醫人修合聖散子遍地街衢并以其方刊行病者服之
十無一生率皆狂燥昏瞶而卒噫孫公之意本以活人
殊不知聖散子方中有附子良薑吳茱萸豆蔻麻黃藿



南京中医药大学图书馆版

香等劑皆性味燥熱反助火邪不死何待若不辨陰陽二症一概施治殺人利於刀劍有能廣此說以告人亦仁者之一端也續醫說

張子和曰元光春京師翰林應泰李屏山得瘟疫症頭痛身熱口乾小便赤澁渠素嗜飲醫者便與酒癥丸兼巴豆利十餘行次日頭痛諸病仍存醫者不識復以辛溫之劑解之加之臥於暖炕強食葱醋湯圖獲一汗豈知種種客熱疊發併作目黃斑生潮熱吐泄大喘大滿後雖用承氣下之已無及矣至今議者紛紜終不知熱藥之過往往歸罪於承氣湯用承氣湯者不知其病已危猶復用藥學不明故也良可罪也然議者不歸罪於酒癥丸亦可責也夫瘟



症在表不可下。况巴豆丸乎。巴豆不已。况復發以辛熱之

劑乎。彼隨眾毀譽者。皆妄議者也。文田案巴豆下之陰之傷已極重以大黃下而

獨能生陰乎。此證似當以綠豆解巴豆之毒。加存陰之品。庶有濟耳。然子和不足以論此。

宋寶慶二年丙戌冬十一月耶律文正王從元太祖下靈武

諸將爭掠子女玉帛。王獨取書籍數部。大黃兩駝而已。既

而軍中病疫。得大黃可愈。所活幾萬人。駁辨 文田案兵卒多飲酒

食肉勞汗又多温疫一行必遽傳陽明胃府此大黃所以往無不利也。王氏刪此案非是。

職方外紀云。哥阿烏曩國患疫。有名醫名依卜。加得不以藥

石。令城內外遍舉大火。燒一晝夜。火息而病亦愈矣。蓋疫

為邪氣所侵。火氣猛烈。能盪諸邪。邪氣盡而疫愈。亦至理



也。樵書 此法惟徼

文田案此冬月寒疫非温疫也王氏知温之能為疫獨不知冬月亦

有寒疫耶宜其妄刪此案也

邱汝誠因訪友聞鄰家哭聲問何故曰隣某甲得時疫極合

汲水置大桶中以簾橫其人於上病遂愈

揮塵新談

文田案此温疫

證由中暍而得者也

蘇韜光侍郎云予作清流縣宰縣倅申屠行父之子婦患時

疫三十餘日已成壞症予令服奪命散又名復脉湯人參

一兩水二鐘緊火煎一鍾以井水浸冷服之少頃鼻梁有

汗出脉復立瘥凡傷寒時疫不問陰陽老幼誤服藥餌困

重垂危脉沉伏不省人事七日以後皆可服之百不失一



本草 仁和

綱目 縣志

此陰傷而陽亦將脫故以復脈得效是時人參亦可用矣但云七日以後皆可服則

脈醫理之言王氏率

意擬刪亦未為當

吳嗣昌治浙督趙清獻公名臣常遭危疫吳獨排眾議投米水立甦之公尊禮若神曰君其不朽

孫三垣治一老妓三日患頭痛身熱口渴水瀉不止身重不

能反側日漸昏沉耳聾眼合讖語諸醫有主補中益氣者

有主附子理中者煎成未服孫診之六脉洪大面色內紅

外黑口唇乾燥舌心黑胎不省人事曰此疫症也法當清

解急以小柴湯進之猶可生也益氣理中殺之矣安可用

問小白何湯也曰小柴胡合白虎湯即是或曰泄瀉如此



中医藥大學圖書館版

石膏可用乎。曰此協熱下利。當早服之。既服至夜半。神氣

甦醒。惟小水不利。熱渴未退。師仲景法。渴而身熱。小水不

利者。當利其小便。乃以辰砂六一散二兩。燈心湯調服之。

兩帖而瘳。蔡按此陽明少陽合病。用白虎柴胡是矣。但仲景柴胡湯條內原有渴者去半夏加瓜蒌根之

法。曷不遵此亦三陽合病之類。一白虎湯足以了之。兼而用之。用小柴胡原不甚謬。但柴胡半夏究嫌升燥

故熱渴而小水不利。待六一散之清熱而後解。非因其利小便也。讀者勿因其依傍仲景遂為所惑。

張淨字發熱。腹疼泄瀉。口渴嘔吐不止。有認寒者。有認熱者。

有認傷寒者。孫診之。曰此時疫瀉也。以二陳湯倍白朮加

青蒿葛根酒芩白芍猪苓澤瀉滑石。一劑而安。

一僕病身如火爍。頭痛如破。小水赤。口渴鼻乾。不得眠。胸膈

膨脹飢不能食六脈弦而數孫與竹葉石膏湯加知母枳
殼白芷葛根青蒿一帖而熱痛減半胸膈亦寬惟口渴小
水短澀睡卧不安又與化瘟丹三錢井水化下渴止少得
睡頭暈脚軟喘急與四物湯加青蒿酒苳苳仁木瓜煎之
全愈。

一僕病與前相似醫與藥乃大吐大瀉熱增益頭痛不可當
煩燥口渴鼻乾嘔吐小水短澀已十四日甚危孫詢所服
藥乃藿香正氣散砂仁厚朴山查大耗元氣之品時五月
火令當權之疫當以甘寒之劑治之何可以辛熱香竇益
其火而枯其津也急投人參白虎湯加竹茹葛根青蒿升

麻一帖熱除再帖頭痛止諸症盡去後連治數人皆如此
蓋天行之疫一方多有先以甘寒清解之劑投之熱退因
四物湯調養陰血稍加清熱之品而青蒿之功居勝

此數語

吳某婦先感風邪後傷飲食發熱頭痛腹脹醫與巴豆丸瀉
之熱如初又以大黃重瀉之熱亦如初再後者謂瀉而熱
不退者爲虛大用參耆朮補之四日神氣昏沉不省人事
孫診之左脈弦數右關尺沉數有力舌尖沉香色舌根焦
黑芒刺語言不清蓋不知飢饉之餘疫氣爲癘妄下妄補
誤成壞疫危且殆矣姑以柴胡知母各三錢石膏六錢枳



實花粉各五分。甘草黃芩麥冬各一錢。山梔生地各七分。人參六分。竹葉三十片。薑三分。水煎飲。至中夜後。人事稍清。微有汗。舌柔和。次日前方去生地加白芍。舌心焦黑盡退。大便五日未行。身尙痛咳嗽。與七製化痰丸二帖。再以石膏二錢。麥冬貝母各一錢。前胡枳殼黃芩梔子各六分。甘草三分。桑皮八分。全安。

程氏婦。乃夫没于疫病。七日疫卽至。大熱頭疼。口渴。胸脇併痛。醫與小柴胡湯。夜忽夢夫交洩。而覺冷汗淫淫。四肢如解。神昏譫語。面如土色。舌若焦煤。強硬。孫診之。六脉沉弦。而數。大小便俱秘。此亦陰陽易類也。疫後有是。危已極矣。

與生脉湯加柴胡黃芩桂枝甘草煎成將乃夫昔穿袴襠
燒灰調下兩劑而神醒體溫汗斂舌柔焦退前方加桑
竹茹四肢能運動乃進粥湯子女妯娌婢僕凡六人
而病均以六神通解散解汗而安

一婦人發熱頭痛醫與九味羌活湯十神湯不效加口渴舌
黑如煤又醫與如神白虎湯竹葉石膏湯亦不效加泄瀉
不止人事昏沉四肢厥冷呼吸氣微米粒不進者十四日
具舍歛矣孫診之脉細如蛛絲曰此疫症也合生脉理中
二湯飲之連進二帖夜半神氣稍甦飲粥湯半盞次早六
脉漸見喜曰脉絕微續者生可無虞矣仍與前藥至晚瀉

止口不渴。舌煤退。精神爽。再用人參白朮各五錢。炮薑

草各二錢。麥冬二錢。五味十五粒。仍是理中不拘時服。數日

全愈。此即壞症也。前醫涼散過當。故以溫補奏功。

吳球泉內人痢疾後感寒。月水適至。壯熱頭微疼。口渴遍身

疼。胸膈飽悶。煩燥耳聾。大便瀉。舌白胎。脉七八至亂而無

序。脉躁多凶。第此為熱鬱之極。而然躁極而靜。鬱極而通。後之伏而戰。汗勢也。亦理也。孫曰。此三陽

合病。春瘟症也。且投三陽藥服之。挑察微應。再為區處。以

柴胡三錢。葛根白芍各二錢。枳實桔梗酒芩竹茹各一錢。

天花粉八分。炙甘草桂枝各五分。服後遍身如冰。面與四

肢尤甚。六脉俱無。脉雙伏或單伏而四肢厥冷。欲戰汗也。宜熟記。舉家及醫者皆



嘆爲故矣。孫曰：非死候也。蓋夜半陰極陽生，勢欲作汗，譬
之天將雨，必六合晦冥。諸醫咸匿笑。四鼓後果戰而汗出，
衣被皆濕，肢體漸溫，神思清爽。且索粥，唯耳尙聾，腹中夫
響。脉近六至，改以柴苓湯加烏梅兩帖而愈。

族孫醉後房事，已起而小溲，卽臍下作痛，水瀉腸鳴。一日十
餘度發熱，頭痛，醫與理中湯一帖，反加嘔逆，煩躁口渴。孫
診之，左脉弦大，右洪大，俱七至，不食不眠，面赤唇燥，舌胎
黃厚。自云房勞後陰症傷寒，小腹痛，且漏底，乃笑曰：春溫
症也。族人交口謂的屬陰症，故嘔吐水瀉，不可因其面赤
便認爲陽，幸加察焉。咸擬理中湯，再加附子、肉桂、庶可保。

全房勞外感視爲陰症而與熱藥殺人多矣當與孫曰桂
喻嘉言治黃長人一案同參喻案見傷寒門

枝下咽陽感卽斃陰陽寒熱之間辨之不真死生反掌茲

當舍症從脈也卽症而論發熱頭痛病非陰症以溫胆湯加薑汁炒黃連

柴胡乾葛二帖合當夜飲盡俾不他傳因畏竹茹黃連只

進一服嘔逆止餘症悉在次日脈之洪大搏指與白虎湯

加竹茹兩帖亦令服完因畏石膏只進一服瀉止小腹仍

痛又次日脈洪長堅硬邪已入腑非桃仁承氣不可覲面

煎服連飲二劑下黑燥矢五六枚痛熱俱減再診六脈皆

緩弱以四君子湯加白芍黃連香附調養數日而愈

程兄腮頰紅腫嘔惡惡寒發熱不食下午煩躁口苦不寐此

俗名鷓鴣瘟是也。乃少陽陽明二經之症。法當清解。以柴胡貫仲各一錢。乾薑竹茹半夏麩各一錢。黃連枳殼各一錢。分甘草四分。一帖而減。二帖而安。

喻嘉言治錢仲昭患時氣外感。三五日發熱頭疼。服表汗藥。痰止熱不清。口乾唇裂。因而下之。遍身紅斑。神昏譫語。食飲不入。大便復秘。小便熱赤。脈見緊小而急。曰此症前因誤治陽明胃經表裏不清。邪熱在內。如火燎原。津液盡乾。以故神昏譫妄。若斑轉紫黑。卽刻死矣。目今本是難救。但其面色不枯。聲音尙朗。乃平日保養腎水有餘。如旱田之側。有下泉未竭。故神雖昏亂。而小水仍通。乃陰氣未絕之



徵尙可治之。不用表裏單單只一和法。取七方中小方。而
氣味甘寒者用之。惟如神白虎湯一方。足以療此。蓋中州
元氣已離。大劑急劑復劑。俱不敢用。而虛熱內熾。必甘寒
氣味。方可和之耳。但方雖宜小。而服則宜頻。如飢人求欲
得食。不得不漸漸與之。必一晝夜頻進五七劑。爲浸灌之
法。庶幾邪熱以漸而解。元氣以漸而生也。若小其劑。復曠
其日。縱用藥得當。亦無及矣。如法治之。更一晝夜。熱退神
清。脈和食進。其斑自化。

金鑑春日病瘟。誤治二旬。釀成極重死症。壯熱不退。譫語無
倫。皮膚枯澁。胸膈板結。舌卷唇焦。身倦足冷。二便畧通半

渴不渴面上一團黑滯前醫所用之藥不過汗下和溫之法絕無一効喻曰此症與兩感傷寒無異但彼日傳三日傳經已盡卽死不死者又三日再傳一週定死矣此春溫症不傳經故雖邪氣留連不退亦必多延幾日待元氣竭絕乃死觀其陰症陽疾兩下混在一區治陽則礙陰治陰則礙陽然法曰發表攻裏本自不同又謂活法在人神而明之未嘗教人執定勿藥也吾有一法卽以仲景表裏二方爲治雖未經試驗吾天機勃勃自動若有生變化行鬼神之意必可効也于是以麻黃附子細辛湯兩解其在表陰陽之邪果然皮間透汗而熱全清再以附子瀉心